

Балгъсна тосхлт Китди

ПЕКИН, (ТАСС). Давсн арвн джилин эргцд, шин Китдин картд шин 167 балгъсд гарч ирдв, 124 балгъсдар болхла, тедниг онъгдарулдж яслгъна болн өргдүлдж уудулгъна туск кōдлмш кегдджәнә.

Хэйлунцзян провинцин модта районд бәәх Ичунь гидг балгъсн, Синьцянә нефтин промышленности центр Карамай, бас тер мет Öвр Монъгълин автономн районд бәәх Якэши балгъсн, ил үнндән болхла, сулдхврин хōөн тосхгдсн.

Балгъсна әмтнә то арвн джилин эргцд 40 сайас 100 сай күрч өсв.

Шин балгъсд тосхлгънд болн хучн балгъсдиг икдүллгънд, күч-көлсчнрт гер-малин сән бәәдл үүдәлгънд ик онъг тусхагдджана. Орчлнъгин бәәдл, сән джиргъл ясруллгънд таал үүдәх газрмудар, әмтн бәәх кварталмуд тосхгдджана. 1300 шин балгъсд болн кōдлмшч поселкс зурдж диглдж авлгън дуусгдв. Проектсин зәрмнь күцәгдчкв.